

Kòkòbì ìrì ní Yūwánī ní sǐ rǐ Tā búkū rǐ vé rǐ ã ũlũngará

Yūwánī Yésū vé 'bá áyúáyū rǐ sǐ kòkòbì 'dĩri sēé 'bá kǎnísǎ vé rǐ pí ní, kǎnísǎ 'dĩri Yūwánī zì rù ní “ũkú Múngú ní ìpěé rǐ”. Yūwánī rì ẹ̀zì ngáá kǎnísǎ 'dĩri agá nǐ. Ūlũ 'bá rǐ pí ní tā Yésū ní 'yoó, kòpì ã lèkí ì lèlè rǐ vé tā. 'Yo kòpì ní kǐnǐ, lè tā áda Kúrísítò vé 'bá ọ̀rụkọ'bée ní ríí ìmbá, ǎzini tā 'bá ọ̀rụkọ'bée ní ríí ìmbá ùnjò rú rǐ, lè kòpì ã ámákí ǎsámwú ní múké múké.

¹ Ma Yūwánī 'i, 'bá ǎmbúgú 'bá Yésū rì ẹ̀'yí 'bá gí rǐ pí drǐlè gá rǐ. Mì ũkú Múngú ní ìpěé 'dĩri, á sǐ kòkòbì 'dĩri sēé mí ní, mívé anjì Múngú rì nǐ 'bá rá rǐ pí be. Ádarú á lè ìmì ǎrěvú céré lèlè, 'bo adri 'yozú kǐnǐ, á lè 'yẹ́ǎ ìmì ọ̀'dúkùlẹ́gúsí nǐ kuyé, 'bá céré Múngú vé tā áda rǐ nǐ 'bá rá rǐ pí lèkí ìmì lèlè.

² 'Bá lèkí ìmì, ǎ'diātāsīyā tā áda rǐ nóni 'bá ẹ̀sì agá anigé, ìrì adri 'bá ẹ̀sì agá mụzú nyonyo.

³ Ẹ̀sì múké, ẹ̀sì ìdríkídri, ǎzini tǎkírì Ẹ̀tẹ̀pì Múngú vé rǐ, ǎzini Mvọ̀pì Yésū Kúrísítò vé rǐ, ǎ adri 'bá be, ǎ sē rí 'bà 'okí rí tā áda Múngú vé rǐ, ǎzini 'bà lèkí rí ǎngū lèlè.

⁴ Má kǎ yí kǐnǐ, anjì mívé rǐ pí ã ọ̀rụkọ'bée rì tā áda 'bá Ẹ̀tẹ̀pì ní ẹ̀zì rǐ 'dù ngá rá, ǎyìkò fụ ma ǎnì ambamba.

5 Mi ũkú Múngú ní ĩpěé má ní lěélě rĩ, tã má ní sĩ sěé ĩmi ní mívé anjĩná rĩ pi be 'dĩri, adri tã āzi ú'dí ni kuyé, ĩri tã 'bá ní nĩ rá 'dóngará gá 'dãá ni. Á lě lűú ĩmi ní 'dĩni, lě 'bâ lěkĩ 'bâ lělē.

6 'Bá rĩ 'du dõ tãĩmbĩ Múngú vé rĩ ngaá rá, 'dĩri lű 'yozú kĩnĩ, 'bá 'dĩri lěngará be. Sâ ĩmi ní 'dózú Yēsũ Kúrísítõ ri ẹ'yĩzú rĩ gé 'dãá, ĩmi yĩkĩ rá Múngú kĩnĩ, lě ĩmi lěkĩ ĩmi lělē ĩmi ọgũpĩ be.

7 'Bá kárakará mĩ ũ'bã'bée ni pi ayikĩ muzú nyọókú rĩ drĩgé sĩ 'dĩ'dĩ, kọpi ri 'bá rĩ pi ímbá muzú ũnjõ sĩ, kọpi kĩnĩ, tĩkĩ Yēsũ Kúrísítõ ri nyọókú drĩgé nōgó 'bá áda rú kuyé. 'Bá 'dĩni 'dĩ'bée, kọpi ũnjó rú, kọpi ari'ba Kúrísítõ vé ni.

8 ĩmi adrikĩ mĩ be kọwũ tã 'dĩri sĩ, ẹzĩ Múngú vé ĩmi ní ngaá 'dĩri, ã drã rĩ kána ku, Múngú ã ũfē rĩ ãndēma ĩmi ní ẹzĩ rĩ ngazú rĩ pi ãrēvú céré.

9 Lě 'bá āzi ã újá tã Kúrísítõ ní ímbá rĩ ũlűú ũ'dũ be túngú ku, ĩri sē Múngú ri 'bá rĩ adi ãní 'í drĩgé sĩ rá. 'Bo 'bá rĩ áwĩ dõ tã Mvọpĩ ní ímbá rĩ ruú tĩtĩ, Ẹtẹpĩ pi Mvọpĩ be, kọpi adri ĩri be trũ.

10 'Bá āzi ífĩ dõ ĩmi ãsámví gé, ímbá dõ tã áda Kúrísítõ vé rĩ kuyé, lě ĩmi ẹ'yĩkĩ ĩri ĩmívé ãngá ku, dõku ẽ ẹzikĩ ĩri ku.

11 'Bá rĩ ẹ'yĩ dõ 'bá 'dĩni 'dĩri ãkã, ĩri fi ũnjĩkãnyã 'bá 'dĩri ní 'oó rĩ 'o ĩndĩ.

12 Ma tã be tré, á lě lűú ĩmi ní, 'bo á lě tã rĩ sĩ sěé kọkọbĩ agá ku. Má ũsũ, á lě muú ĩmi vúgá 'dĩlé ú'díkĩrĩná nōgó, 'bâ úmúkĩ rĩ 'bâ ĩmi be, 'bá átákĩ rĩ trũ, 'bâ 'bãkĩ rĩ ãyĩkõ ĩmi be trũ.

13 Mĩ ọmvúpĩ Múngú ní ĩpěé rĩ vé anjĩ Múngú ri nĩ'bá rá rĩ pi, sēkĩ mí ní mōdó.

Keliko

Keliko: Ụ'dụkọ Múké Múngú vé rị New Testament+
copyright © 2017 Wycliffe Bible Translators, Inc.

Language: Keliko

Contributor: Wycliffe Bible Translators, Inc.

All rights reserved.

2025-05-06

PDF generated using Haiola and XeLaTeX on 6 May 2025 from source files
dated 6 May 2025

14717198-957a-524c-b31f-2c3197945b20